



# Tahaqtitaujukhaq

Tuhaqtitauhainnaqtukhaq

## Niruarvighaq inirhimaliqtuq Kugluktumun

**IQALUIT, Nunavut (April 16, 2020)** – Niruarvighaq niruarviani Kugluktumi ublukhaqaliqtuq Aakassi August 24mi, 2020, taimaaqhimalirmat Ilaujuq Maligaliuqvingmi Mila Adjukak Kamingoak. Una aajjikkiingniqarniaqtuq uumani niruaqtukhanik hivuagun uqaqtauhimajuq Qamanittuami.

“COVID-19 qalagjuarniq aallanguqtiqtait amigaittun, qilamikpiaq. Maliktakhavun uqaudjutait uuma Atanilluaq Nunalaani Aanniaqtailinikkut Havaktimin pipkaqtillugillu nunallaavun upalungaijaqlutik niruarvighamik uvani nutaami inuudjutigiliqtaptikni,” uqaqtuq Hivuliqti Joe Savikataaq. “Qujagijara Ms. Kamingoak ilauvangmat uvani tallimaujumi Maligaliuqvingmi Nunavunmi tujuutijaralu ilainnullu nakuaqqtukhanik hivumuudjutikhanik.”

Niruarnikkut ubluq angiqhimajuq Ministanin Katimajinnin, unalu Nunavutim Kamisinaa tuihimaliqtuq uqariijautimik uumunga pitquidjutimik niruarvighamik, pitqujauhimaqjukkut talvanga ilangani 38mi uvani Nunavunmi Niruarnikkut Maligaqmi. Una Atanniulluaqtuq Niruaqtuliqinikkut Havakti tuniniaqtuq pitquidjutimik niruarvighamik uvani Julay 20mi, 2020. Naunaijaqhimajun illituripkaidjutikhat uktuqniarungnarhijunik niruaqtaujukhanik hailihimaniaqtuq uumangga Niruarnikkut Nunavunmin qakugu aujami.

###

### Tuhaqtipkainikkut Uqarvighaq:

Cate Macleod

Tuhaqtakhanut Titiraktiujuk uumunga Hivuliqtimun Savikataaq

867-975-5059

867-222-5763

[cmacleod@gov.nu.ca](mailto:cmacleod@gov.nu.ca)